

Mawlana Shaykh Muhammad Adil ar-Rabbani

KHAIR ISLĀM MEIN HAI, NAYE SAAL MEIN NAHI

As-Salāmu ‘Alaykum wa RaḥmatuLlāhi wa Barakātuh.

A‘ūdhu BiLlāhi Minash-shayṭāni r-rajīm. Bismillāhi r-Raḥmāni r-Raḥīm.

Wa ṣ-Salātu wa s-Salāmu ‘alā Rasūlinā Muḥammadin Sayyidi l-Anwālina wa l-Akhirin.

Madad yā RasūlAllāh, Madad yā Sādāti Aṣḥābi Rasūlillāh, Madad yā Mashāyikhinā,

Dastūr Mawlana Sheikh Abdullah al-Fā’iz ad-Dāghistāni, Sheikh Muḥammad Nāẓim

al-Ḥaqqānī. Madad. Tarīqatunā aṣ-Suḥbah wa l-Khayru fī l-Jam‘iyyah.

Allāh ‘Azza wa-Jalla ka barkat wala maheena qareeb aa raha hai. Sare maheene Allāh ‘Azza wa-Jalla ke hain, lekin Usﷻ ne khusoosan apne liye isay muqarrar farmaya, “Rajab Shahri,” “Rajab Meraﷻ maheena hai.” Sha’bān hamaare Rasool ṣallā Llāhu ‘alayhi wa-sallam ka maheena hai. Aur Ramzaan Ummat ka maheena hai. Yeh maheene muqaddas maheene hain. Humhein inki tayyari karni chahiye, inhein bhoolna nahi chahiye. Inhein yaad rakhna chahiye. Ab naya saal aa raha hai, aur logon ne har jagah sawatein ki hain. Jaise ke koi badi baat ho rahi ho. Naye saal aane se kya hoga? Yeh ek baat hai – lekin log bekaar cheezon par itni mehnat karte hain. Woh aisi cheezon ko bahot ahmiyat dete hain jo bilkul gair-zaroori hai, jismein unke liye aur unki akhirat ke liye ek zarra barabar bhi faida nahi. Aur jo cheezain sach mein ahmiyat ki haqdar hain, woh unke zehen se guzarti bhi nahi.

Isiliye hum logon ko bar bar yaad dilate hain. Yeh maheene muqaddas maheene hain. Pehle ke zamane mein gunaahgaar log bhi in maheenon ke lihaaz ke liye apne gunaah chhod dete thay. Sharaab ke shaaukeen log bhi thay, lekin yeh teen maheenein mein woh haraam cheez muh mein nahi daalte thay. Woh lihaaz karte thay. Ab toh yeh chhodo, jo khud ko Musalman kehte hain woh logon ko gumraah karte huye aisa kehte hain ke yeh teen maheene gair-zaroori, bekaar cheezain hain. Jo woh be-ahmiyat kehte hain woh bahot hi ahem hain. Humhein hamesha mauka talaash karna chahiye in khubsurat roohani darwaazon aur roohani daawaton ko yaad karne ka jo Allāh ‘Azza wa-Jalla humare liye kholta hain. Insay faida uthayein, lihaaz karein, ahmiyat dein, aur Allāhﷻ ka shukr adaa karein. Usﷻ ne humein Musalman banaya, Islām ki khoobiyon ataa ki, in khubiyon se faida uthayein.

Mawlana Shaykh Muhammad Adil ar-Rabbani

Doosri cheezain jaise ki sajawatein yeh bhi gair-zaroori hain. Doosron ki taqleed (naqal karna) bhi achha nahi. Allāh ﷻ ne tumhein sab se khoobsurat cheez ataa ki hai. Tumhein doosron ki naqal karne ki kya zarurat hain? Unhein tumhari naqal karne do. Naqal karna achhi cheez nahi. Kafir ki naqal karna achha nahi hain. Unki tamaam cheezain sirf zahiri, baahri taur par hain. Har jagah, imaaratein aur mandiron ko bhi baahar se sajaaya gaya hain, lekin andar [sab ulta manzar hain]. Mahalon mein bhi yahi haal hai. Unke kitne hi mahal, badshahon ke mahalon mein tum jaate ho? Baahar se woh sab khoobsurat dikhte hain, lekin andar jaao toh sirf andhera; baki kuch bhi nahi. Islām ke mahal, Islām ki khoobiyan, yahaan nahi. Khair (achhai) Islām mein hai; lehaza sukoon, khoobsurti, ya bhalaai kahin aur mat talaash karo. Allāh ﷻ ne tumhein sab kuch ataa kiya hai. Allāh ﷻ isay badaaye aur khaas taur par Musalmanon ko samajh (baseerat) ataa farmaye, InShaAllah.

Wa min Allāhi t-Tawfiq. Al-Fātiḥa.

Qur'an ki tilawatein, salawaat, Yasin, ayat, surah, salawaat, tasbeeh, tahleel, aur nek aamaal; Allāh ﷻ qabool farmaye. Yeh sab Rasool ṣallā Llāhu ‘alayhi wa-sallam, Ahle Bayt, ashaab, sare anbiya, awliya, asfiya, hamaare mashāyikh, sare buzurgon ki roohon, mummin mardon aur auraton, Musalman mardon aur auraton ki roohon ke liye. InShaAllāh yeh untak pahonch jaye. Isay padhnein walo ke sare nek iraadein bhi poore ho jayein, InShaAllah. Yahan aur akhirat ki khushi ke liye, imaan ki mazbooti ke liye, InShaAllah.

Al-Fatiha.

Mawlana Sheikh Muhammad Adil ar-Rabbani
19 December 2025/ 28 Jumada al-Thani 1447
Fajr Namaaz— Akbaba Dergah, Istanbul